



Tuhaqtitauyughaq

Pinahuaqtaat Ilinniarnirmut Maligaq hakugikhiutjutauyaangani Ilinniarnirmut Pitjutainut

IQALUIT, Nunavut (Tarium Hikudirvia 6, 2007) – Utaqqitjutigiyauihimayuq pinahuaqtaanik una Ilinniarnirmut Maligaq, Maligakhak 21, naunaiktitaulihaak ukunanut Maligaliuqtit. Nanngariyauyuq Ed Picco, Ministanga Ilinniaqtuliqiyit, ublumi tuhaqtitiyaa piyaghakut maligakhak.

“Maligakhak 21 pitjutimingnut aallanguqtiutiyauniaktuq, uraqhimayainik aulatjutimingniklu ilihakvingni, Nunallaani Ilihaqtuliqiyiit ilinnianirmutlu Nunavumi,” uqaqtuq Picco. “Iniqtingmata amigaitqiyainit 100nik nunallaanut, ilihavingnut unalu Nunallaani Ilihaqtuliqiyiit qauyihaiyunik, katimatjutigplugitlu ukuat Nunavunmi Tunngavikkut Timinga aallatlu tigumitjutiyut katimayit, piliuqtugut titiraqmik ilumuuktumik naunaiktitiyuq ilinniarniq Nunavunmi.”

Pinahuaqtaat maligakhak pitjutigiyaalu una Inuit Qaujimagatuqangit (IQ) ilivlugu Maligakhamut. Pilihaaliqtuq, ilihautut ilihautiitlu pitjutigiyauni, piniaktut ubluni tamaini hululukagutikhainik Ilihaqtut, pilikniakhutiklu ihuaqhailutik piliuqlutiklu ilihautikhainik Inuinnaqtun maligakhainik piniaktut. Pipkakniaktuq IQiup kanuginiqhaa atuliqniaktuq ilihautut pitjutikhainik ilihautayukhat naunaiktutainilu, havaklugit malrukut ilihautjutikhanik, havakliqniaktait ukuat Nunallaani Ilihaqtuliqiyiit imalu ikayuutiginiaktait Ilihaqtut ilihautittiyunutlu.

Pitjutauyuqlu nutaamut Maligaqmut, \$14 milliat atahiqmi ukiumi tuniyauniaktuq atuligiangitni ilihagnikkut Nunavunmi. Una munighak ihuaqhiutiniaktuq Inuit uqauhiinut piyaghainut ilihautjutikhanutlu, tunihilunilu nunallaani ilihakvingni uqautjiyunut Nunavunmi imalu hivuliqpiakmik, tunihilutiklu ihuaqtumik kiinauyaghainik ilihautjutimingnutlu naunaiktutikhainik Inirniqhat inmik ilihautivakmata pitquhimingnik uqauhimingniklu piyaghainik atuqhugit inuhikmingni pitjutigivaktamingnik.

“Una Maligaq piliuqtauhihimayuq atuqhugit uqaqhimayait Nunavummiutat – Nunallaani Ilihaqtuliqiyiit, ilihautittiyiit, Ilihaqtut, Inirniqhat, hivumauktittivlutik katimayit ikhivayuni amigaitunutlu aallanut. Uqaqtait ihumagiyaitlu atuqhugit piliuqtakkut una piyaghaungmat kanuginiqhaanut,” uqaqtuq Picco. “Una nutaak Maligakhak naunaiktittiyuq pivaliyainik aallanguktikniantlu ilihautjutiigiyaupingnut. Pitquyatka angayuqqaanut, Inirniqhat, Ilihaqtut ilihautittiyiinutlu ilaulutik ikayukuplugitlu piliugiaptingni naguukpiaktumik hivunikhaptingnik Nunavunmi.”

Naunaiyaklugu tautuqluguluuniit una Maligakhak 21, *Nunavuttip Ilinniarnirmut Maligaq*, pullaaqlugu www.gov.nu.ca/education.

-30-

Naunaiyagumagunni una hivayaklugu titiraqvigiluguluuniit:

Catriona Macleod

Tuhaqtauyukhanik Atannguyaq,

Ilinniaqtuliqiyit

☎ (867) 975.5624

☎ (867) 975.5605

✉ cmacleod@gov.nu.ca